

«Շիրակի մարզի ՀԱՅԿԱՍԱՐԻ ՀԱՄԱՅՆՔՈՒՄ ԻՐԱԿԱՆԱՑՎԱԾ ՎԱՐՉԱԿԱՆ ՀԱԿՈՂՈՒԹՅԱՆ ԱՐԴՅՈՒՆՔՆԵՐԻ ՄԱՍԻՆ

«27» սեպտեմբերի 2013թ.

գ. Հայկասար

Համաձայն ՀՀ փոխվարչապետ, տարածքային կառավարման նախարարի 2012 թվականի դեկտեմբերի 28-ի «Վարչական հսկողության 2013 թվականի աշխատանքային ծրագիրը հաստատելու մասին» թիվ 190-Ա հրամանի և ի կատարումն ՀՀ Շիրակի մարզպետի 2013 թվականի սեպտեմբերի 9-ի «Հայաստանի Հանրապետության Շիրակի մարզի Հայկասարի համայնքում վարչական հսկողություն իրականացնելու մասին» թիվ 108 կարգադրության, ՀՀ Շիրակի մարզպետարանի աշխատանքային խումբը, մասնակցությամբ՝ ՀՀ Շիրակի մարզպետարանի աշխատակազմի ֆինանսական և սոցիալ տնտեսական զարգացման վարչության ֆինանսատնտեսագիտական բաժնի պետ Դանիել Վարդանյանի (խմբի ղեկավար), ՀՀ Շիրակի մարզպետարանի աշխատակազմի ֆինանսական և սոցիալ տնտեսական զարգացման վարչության ֆինանսատնտեսագիտական բաժնի գլխավոր մասնագետ Արտավազ Գևորգյանի (խմբի անդամ), ՀՀ Շիրակի մարզպետարանի աշխատակազմի քաղաքաշինության վարչության ճարտարապետաշինարարական բաժնի գլխավոր մասնագետ Հուրիկ Մարտիրոսյանի (խմբի անդամ), ՀՀ Շիրակի մարզպետարանի աշխատակազմի քաղաքաշինության վարչության տրանսպորտի և ճանապարհաշինության բաժնի գլխավոր մասնագետ Գագիկ Հարությունյանի (խմբի անդամ), ՀՀ Շիրակի մարզպետարանի աշխատակազմի հողաշինության և հողօգտագործման բաժնի (մարզային հողային պետական տեսչության) գլխավոր մասնագետ Արտյոմ Սարգսյանի (խմբի անդամ), ՀՀ Շիրակի մարզպետարանի աշխատակազմի ՏԻ և ՀԳՄ վարչության ՏԻ և ՀՕՀ բաժնի առաջատար մասնագետ Վանիկ Սերոբյանի (խմբի անդամ), ինչպես նաև ՀՀ Շիրակի մարզի Հայկասարի գյուղական համայնքի ղեկավար Հրաչ Բարսեղյանի, Հայկասարի համայնքում կատարել է վարչական հսկողություն, որն ընդգրկել է 2010 թվականի մարտի 1-ից մինչև 2013 թվականի սեպտեմբերի 1-ն ընկած ժամանակաշրջանը:

Վարչական հսկողությունն սկսվել է 2013 թվականի սեպտեմբերի 13-ին և ավարտվել է 2013 թվականի սեպտեմբերի 20 -ին:

Վարչական հսկողության արդյունքում պարզվել է հետևյալը՝

Հայկասարի համայնքի ղեկավարը համայնքում կատարված նախորդ վարչական հսկողության արդյունքների վերաբերյալ կազմված 2010 թվականի մարտի 26-ի տեղեկանքը ներկայացրել է համայնքի ավագանու 2010 թվականի օգոստոսի 8-ի թիվ 10 արտահերթ նիստի քննարկմանը, մշակվել և գործողության մեջ է դրվել միջոցառումների ժամանակացույց՝ համայնքի ղեկավարի և ավագանու լիազորությունների իրականացման ուղղությամբ արձանագրված թերություններն ու բացթողումները վերացնելու ուղղությամբ:

Ստուգված ժամանակաշրջանում «Տեղական ինքնակառավարման մասին» ՀՀ օրենքի 16-րդ հոդվածի 1-ին մասի 3-րդ կետի համաձայն համայնքի ավագանին թվով 12 որոշումներ է կայացրել համայնքի 2010, 2011, 2012 և 2013 թվականների բյուջեներում փոփոխություններ կատարելու համայնքի ղեկավարի առաջարկությունների վերաբերյալ (ավագանու որոշումներ՝ 30.04.2010թ. թիվ 4-Ն, արձ. թիվ 4, 03.05.2010թ. թիվ 8-Ն, արձ. թիվ 8, 10.12.2010թ. թիվ 14-Ն, արձ. թիվ 14, 20.09.2011թ. թիվ 9-Ն, արձ. թիվ 9, 10.10.2011թ. թիվ 10-Ն, արձ. թիվ 10, 07.12.2011թ. թիվ 13-Ն, արձ. թիվ 13, 19.03.2012թ. թիվ 2-Ն, արձ. թիվ 2, 15.11.2012թ. թիվ 9-Ն, արձ. թիվ 9, 27.11.2012թ. թիվ 11-Ն, արձ. թիվ 11, 17.01.2013թ. թիվ 11-Ն, արձ թիվ 11 և այլն):

Համայնքի բյուջեում կատարված փոփոխություններին վերաբերվող համայնքի ավագանու որոշումները չեն համապատասխանում «Իրավական ակտերի մասին» ՀՀ օրենքի 70-րդ հոդվածի 2-րդ մասի դրույթներին, համաձայն որոնց՝ իրավական ակտում փոփոխությունները կատարվում են՝ բառեր կամ թվեր այլ բառերով կամ թվերով փոփոխարինելու միջոցով, բառեր, թվեր կամ նախադասություններ հանելու միջոցով, բաժիններ, գլուխներ, հոդվածներ, մասեր, կետեր, պարբերություններ կամ նախադասություններ նոր խմբագրությամբ շարադրելու միջոցով, բաժինների, գլուխների, հոդվածների, մասերի, կետերի կամ պարբերությունների գործողությունը դադարեցնելու միջոցով:

Համայնքի բյուջեում փոփոխություններ կատարելու հարցի վերաբերյալ ընդունված ավագանու մի քանի որոշումներում բացակայում են հղումները ՀՀ օրենսդրությանը (ավագանու որոշումներ՝ 30.04.2010թ. արձ. թիվ 5, 03.05.2010թ. արձ. թիվ 5):

Համայնքի բյուջեների կատարման տարեկան հաշվետվությունները, բյուջեներում կատարված փոփոխությունները հաստատելուն վերաբերվող ավագանու մի շարք որոշումների հերթական համարներից հետո «Ն» (նորմատիվ) տառի նշումը բացակայում է (հիմք «Իրավական ակտերի մասին» ՀՀ օրենքի 38-րդ հոդվածի 3-րդ մաս):

- 4) «Տեղական ինքնակառավարման մասին» ՀՀ օրենքի 16-րդ հոդվածի 1-ին մասի 4-րդ կետով սահմանված իրավասությունների շրջանակներում համայնքի ավագանին համայնքի բյուջեի կատարման վերահսկման, ինչպես նաև օրենքով սահմանված կարգով ներգրավված ֆինանսական միջոցների օգտագործման նկատմամբ վերահսկողություն չի իրականացրել և այդ հարցերի վերաբերյալ որոշումներ չի կայացրել:

Համայնքի ղեկավարը չի ապահովել «Տեղական ինքնակառավարման մասին» ՀՀ օրենքի 69-րդ հոդվածի 1-ին մասի պահանջը և «Հայաստանի Հանրապետության բյուջետային համակարգի մասին» ՀՀ օրենքի 35-րդ հոդվածի 1-ին մասով սահմանված կարգով, ստուգված ժամանակաշրջանում համայնքի բյուջեի կատարման ընթացքի վերաբերյալ եռամսյա հաղորդումներ չի ներկայացրել համայնքի ավագանուն:

Ստուգված ժամանակաշրջանում համայնքը օրենքով սահմանված կարգով վարկեր չի ստացել:

- 5) «Տեղական ինքնակառավարման մասին» ՀՀ օրենքի 16-րդ հոդվածի առաջին մասի 5-րդ կետով սահմանված իրավասությունների շրջանակներում, ստուգված ժամանակաշրջանում համայնքի ղեկավարի ներկայացմամբ, համայնքի ավագանին թվով 15 որոշումներ է կայացրել կամավոր լիազորությունների իրականացման կարգի և անհրաժեշտ ֆինանսական միջոցների որոշման վերաբերյալ, որոնք վերաբերվել են համայնքի կարիքավոր ընտանիքներին, սոցիալական

առանձին խմբերին միանվագ դրամական օգնությունների տրամադրմանը և այլ կազմակերպություններին դրամական աջակցության հատկացմանը (ավագանու որոշումներ՝ 18.06.2010թ. թիվ 1, 10.09.2010թ. թիվ 1, 02.10.2010թ. թիվ 1, 12.11.2010թ. թիվ 1, 15.04.2011թ. թիվ 1, 16.06.2011թ. թիվ 1 և այլն): Ընդունված որոշումներում համապատասխան հղումներ չեն կատարվել համայնքի ղեկավարի կամավոր լիազորությունների իրականացման կարգը և անհրաժեշտ ֆինանսական միջոցները որոշելու համայնքի իրավասությունը սահմանող «Տեղական ինքնակառավարման մասին» ՀՀ օրենքի 16-րդ հոդվածի 1-ին մասի 5-րդ կետի դրույթին: Ստուգված ժամանակաշրջանում համայնքի ղեկավարի կամավոր լիազորությունների իրականացման նկատակով, համայնքի ավագանու համապատասխան որոշումների համաձայն, համայնքի 2010-2013թթ. բյուջեներից հատկացվել է ընդհանուր գումարով 950 հազ. դրամ:

Միանվագ դրամական օգնություն տրամադրելու հարցի վերաբերյալ համայնքի ավագանու 2013 թվականի հուլիսի 17-ի թիվ 1 որոշմամբ (արձ. թիվ 10) համայնքի բնակիչ՝ մանկուց հաշմանդամ, Մեսրոպ Մկրտչյանին տրամադրվել է դրամական օգնություն, սակայն տրամադրված օգնության գումարի չափը չի նշվել:

- 6) Համայնքի ավագանու որոշմամբ և սահմանված պայմաններով համայնքի սեփականություն համարվող գույքի օտարում կամ օգտագործման տրամադրում տեղի չի ունեցել:
- 7) Ստուգված ժամանակաշրջանում «Տեղական ինքնակառավարման մասին» ՀՀ օրենքի 16-րդ հոդվածի առաջին մասի 7-րդ կետով սահմանված իրավասությունների շրջանակներում, համայնքի ավագանու կողմից համայնքի ղեկավարի լիազորությունների իրականացման նկատմամբ վերահսկողություն չի իրականացվել և այդ հարցի վերաբերյալ որոշումներ չեն կայացվել:
- 8) Ստուգված ժամանակաշրջանում «Տեղական ինքնակառավարման մասին» ՀՀ օրենքի 16-րդ հոդվածի առաջին մասի 7-րդ կետի համաձայն համայնքի ավագանու կողմից համայնքի ղեկավարի օրենքին և իրավական այլ ակտերին հակասող որոշումների դատական կարգով վիճարկման դեպքեր չեն արձանագրվել:
- 9) «Տեղական ինքնակառավարման մասին» ՀՀ օրենքի 16-րդ հոդվածի 1-ին մասի 8-րդ կետի համաձայն համայնքի ավագանին համապատասխան որոշումներ է կայացրել 2011, 2012 և 2013 թվականների համար համայնքի ղեկավարի վարձատրության չափի վերաբերյալ (ավագանու որոշումներ՝ 17.12.2010թ. թիվ 16, 09.12.2011թ. թիվ 1, արձ. թիվ 15 և 20.12.2012թ. թիվ 14, արձ. թիվ 14): Համայնքի ղեկավարի աշխատավարձի չափերը համապատասխանում են «Տեղական ինքնակառավարման մասին» ՀՀ օրենքի 27-րդ հոդվածի 1-ին մասի 2-րդ կետով Ազգային ժողովի պատգամավորի աշխատավարձի նկատմամբ սահմանված տոկոսաչափին: Ավագանու 17.12.2010թ. թիվ 16 և 09.12.2011թ. թիվ 1, արձ. թիվ 15 որոշումներում «Իրավական ակտերի մասին» ՀՀ օրենքի 72-րդ հոդվածի 1-ին մասին 1-ին կետի «բ» ենթակետի համաձայն ուժը կորցրած չեն ճանաչվել հարցի վերաբերյալ ավագանու նախորդ որոշումները:
- 10) Համայնքում բյուջետային հիմնարկների, համայնքի մասնակցությամբ առևտրային և ոչ առևտրային կազմակերպությունների բացակայությամբ պայմանավորված, ինչպես նաև դրանց ստեղծման համար համապատասխան միջոցներ և պայմաններ չունենալու պատճառով, ստուգված ժամանակաշրջանում համայնքային բյուջետային հիմնարկների, համայնքի

մասնակցությամբ առևտրային և ոչ առևտրային կազմակերպությունների ստեղծման, դրանց վերակազմակերպման կամ լուծարման մասին համայնքի ավագանին որոշումներ չի կայացրել:

11) Համայնքում բյուջետային հիմնարկների, համայնքի մասնակցությամբ առևտրային և ոչ առևտրային կազմակերպությունների բացակայությամբ պայմանավորված, ստուգված ժամանակաշրջանում բյուջետային հիմնարկների և ոչ առևտրային կազմակերպությունների ղեկավարների թեկնածուներին համաձայնություն տալու վերաբերյալ համայնքի ավագանին որոշումներ չի կայացրել:

12) «Տեղական ինքնակառավարման մասին» ՀՀ օրենքի 16-րդ հոդվածի 1-ին մասի 17-րդ կետը հանված է (08.12.11 ՀՕ-342-Ն):

13) «Տեղական ինքնակառավարման մասին» ՀՀ օրենքի 16-րդ հոդվածի 1-ին մասի 18-րդ կետի համաձայն համայնքի ավագանին համապատասխան որոշումներ է կայացրել 2011, 2012 և 2013 թվականների համար տեղական տուրքերի և վճարների դրույքաչափերը սահմանելու վերաբերյալ (ավագանու որոշումներ՝ 16.12.2010թ. թիվ 15-Ն, արձ. թիվ 15, 06.12.2011թ. թիվ 12-Ն, արձ. թիվ 12 և 18.12.2012թ. թիվ 12-Ն, արձ. թիվ 12):

Տեղական տուրքերի և վճարների դրույքաչափերը սահմանելու վերաբերյալ համայնքի ավագանու որոշումներում չի ապահովվել «Իրավական ակտերի մասին» ՀՀ օրենքի 45-րդ հոդվածի 13-րդ մասի պահանջը և տեղական տուրքերի ու վճարների դրույքաչափերը չեն սահմանվել բառերով:

Ընդունված որոշումներում համապատասխան հղումներ չեն կատարվել «Իրավական ակտերի մասին» ՀՀ օրենքի 72-րդ հոդվածի դրույթներին և ուժը կորցրած չեն ճանաչվել հարցի վերաբերյալ ավագանու նախորդ որոշումները:

Ստուգված ժամանակաշրջանում տեղական հարկերի տեսակների և դրույքաչափերի սահմանման վերաբերյալ համայնքի ավագանին որոշումներ չի կայացրել:

14) «Տեղական ինքնակառավարման մասին» ՀՀ օրենքի 16-րդ հոդվածի 1-ին մասի 19-րդ կետի համաձայն համայնքի կողմից մատուցվող ծառայությունների դիմաց գանձվող վճարների դրույքաչափեր սահմանելու վերաբերյալ ավագանին որոշումներ չի կայացրել:

15) Համայնքի ղեկավարի առաջարկությամբ համայնքի սեփականություն համարվող գույքի օտարում կամ օգտագործման տրամադրում տեղի չի ունեցել:

16) Ստուգված ժամանակաշրջանում համայնքային նշանակության փողոցների, հրապարակների, զբոսայգիների, համայնքային ենթակառուցվածքային կրթական, մշակութային և այլ հիմնարկների ու կազմակերպությունների անվանման և վերանվանման վերաբերյալ համայնքի ավագանին որոշումներ չի կայացրել:

17) «Տեղական ինքնակառավարման մասին» ՀՀ օրենքի 16-րդ հոդվածի 1-ին մասի 26-րդ կետի համաձայն համայնքի ղեկավարի ներկայացմամբ համայնքի ավագանին համապատասխան որոշումներ է կայացրել 2011, 2012 և 2013 թվականների համար գյուղապետարանի աշխատակազմի աշխատակիցների թվաքանակը, հաստիքացուցակը և պաշտոնային դրույքաչափերը հաստատելու վերաբերյալ (ավագանու որոշումներ՝ 17.12.2010թ. թիվ 16, 09.12.2011թ. թիվ 2, արձ. թիվ 15 և 20.12.2012թ. թիվ 15, արձ. թիվ 14):

Նշված հարցի վերաբերյալ ավագանու 17.12.2010թ. թիվ 16 և 09.12.2011թ. թիվ 2, արձ. թիվ 15 որոշումներում համապատասխան հղումներ չեն կատարվել «Իրավական ակտերի մասին» ՀՀ

օրենքի 72-րդ հոդվածի դրույթներին և ուժը կորցրած չեն ճանաչվել հարցի վերաբերյալ ավագանու նախորդ որոշումները:

Համայնքի ավագանու նույն որոշումներով հաստատվել է նաև համայնքային ծառայության պաշտոնների մասով աշխատակազմի աշխատակիցների թվաքանակը և հաստիքացուցակը:

Ստուգված ժամանակաշրջանում գյուղապետարանի աշխատակազմի համայնքային ծառայության պաշտոնների թվաքանակի և (կամ) հաստիքացուցակի փոփոխություններ և (կամ) լրացումներ չեն կատարվել ու այդ հարցով Հայաստանի Հանրապետության կառավարության լիազորած պետական կառավարման մարմին դիմելու մասին որոշումներ չեն կայացվել:

18) Համայնքի ավագանին չի հաստատել համայնքի քաղաքաշինական կանոնադրությունը:

19) «Տեղական ինքնակառավարման մասին» ՀՀ օրենքի 16-րդ հոդվածի 1-ին մասի 29-րդ կետի համաձայն համայնքի ավագանին հաստատել է համայնքի սեփականության 2010, 2011 և 2012 թվականների գույքագրման փաստաթղթերը (ավագանու որոշումներ՝ 16.12.2010թ. թիվ 15-Ն, արձ. թիվ 15, 08.12.2011թ. թիվ 1, արձ. թիվ 14, 19.12.2012թ. թիվ 13, արձ. թիվ 13):

1.Ֆինանսների բնագավառ

1) Հայկասարի համայնքի ղեկավարը «Տեղական ինքնակառավարման մասին» ՀՀ օրենքի 34-րդ հոդվածի 1-ին մասի 1-ին կետի համաձայն կազմել և սահմանված ժամկետներում համայնքի ավագանու հաստատմանն է ներկայացրել համայնքի 2011-2013 թվականների բյուջեների նախագծերը՝ (համայնքի ավագանու որոշումներ 17.12.2010թ. թիվ 16-Ն, արձ. թիվ 16, 12.12.2011թ. թիվ 16-Ն, արձ. թիվ 16, 21.12.2012թ. թիվ 15-Ն, արձ. թիվ 15), դրանում առաջարկվող փոփոխությունները՝ (ավագանու որոշումներ՝ 30.04.2010թ. թիվ 4-Ն, արձ. թիվ 4, 03.05.2010թ. թիվ 8-Ն, արձ. թիվ 8, 10.12.2010թ. թիվ 14-Ն, արձ. թիվ 14, 20.09.2011թ. թիվ 9-Ն, արձ. թիվ 9, 10.10.2011թ. թիվ 10-Ն, արձ. թիվ 10, 07.12.2011թ. թիվ 13-Ն, արձ. թիվ 13, 19.03.2012թ. թիվ 2-Ն, արձ. թիվ 2, 15.11.2012թ. թիվ 9-Ն, արձ. թիվ 9, 27.11.2012թ. թիվ 11-Ն, արձ. թիվ 11, 17.01.2013թ. թիվ 11-Ն, արձ. թիվ 11 և այլն):

Համաձայն «Տեղական ինքնակառավարման մասին» ՀՀ օրենքի 68-րդ և «ՀՀ բյուջետային համակարգի մասին» ՀՀ օրենքի 34-րդ հոդվածների՝ համայնքի 2010-2012թթ. բյուջեների կատարողականների վերահսկողություն համայնքի ավագանու կողմից չի իրականացվել:

Համայնքի բյուջեների կատարողականների տարեկան հաշվետվություններն ավագանին քննարկել և հաստատել է առանց աուդիտորական եզրակացության:

2) Համայնքի ղեկավարը «Տեղական ինքնակառավարման մասին» ՀՀ օրենքի 34-րդ հոդվածի 1-ին մասի 2-րդ կետի համաձայն տեղական տուրքերի և վճարների դրույքաչափերի սահմանման վերաբերյալ որոշման նախագծերը ներկայացրել է ավագանու հաստատմանը (ավագանու որոշումներ՝ 16.12.2010թ. թիվ 15-Ն, արձ. թիվ 15, 06.12.2011թ. թիվ 12-Ն, արձ. թիվ 12, 18.12.2012թ. թիվ 12-Ն արձ. թիվ 12):

3) Համայնքի ղեկավարը ոչ լրիվությամբ է իրականացրել «Տեղական ինքնակառավարման մասին» Հայաստանի Հանրապետության օրենքի 34-րդ հոդվածի 2.1 մասի դրույթով սահմանված՝ տեղական տուրքերի և վճարների, համայնքի վարչական սահմաններում գտնվող համայնքային և պետական սեփականություն համարվող հողերի, համայնքային սեփականություն համարվող

գույքի վարձավճարների գանձումների կազմակերպման և վերահսկման վերաբերյալ պարտադիր լիազորությունները:

2010թ. համայնքի ճշտված բյուջեով նախատեսված 4186.7 հազար դրամ եկամուտների դիմաց փաստացի մուտքը կազմել է 3337.0 հազար դրամ: Եկամուտների պլանը կատարվել է 79.7%-ով, կամ պակաս է հավաքագրվել 849.7 հազար դրամ:

2011թ. համայնքի ճշտված բյուջեով նախատեսված 3463.0 հազար դրամ եկամուտների դիմաց փաստացի մուտքը կազմել է 3276.2 հազար դրամ: Եկամուտների պլանը կատարվել է 94.6 %-ով, կամ պակաս է հավաքագրվել 186.8 հազար դրամ:

2012թ. համայնքի ճշտված բյուջեով նախատեսված 3006.4 հազար դրամ եկամուտների դիմաց փաստացի մուտքը կազմել է 2971.9 հազար դրամ: Եկամուտների պլանը կատարվել է 98.9 %-ով, կամ պակաս է հավաքագրվել 34.5 հազար դրամ:

2013 թվականի 8 ամիսների համայնքի բյուջեով նախատեսված 1800.0 հազար դրամ եկամուտների դիմաց փաստացի մուտքը կազմել է 1601.7 հազար դրամ: Եկամուտների պլանը կատարվել է 89.0 %-ով, կամ պակաս է հավաքագրվել 198.3 հազար դրամ:

- 4) Համաձայն «Տեղական ինքնակառավարման մասին» Հայաստանի Հանրապետության օրենքի 34-րդ հոդվածի 2.2 մասի պահանջի, համայնքի ղեկավարի կողմից տեղական հարկեր, տեղական տուրքեր և վճարներ չվճարող անձանց նկատմամբ օրենքով սահմանված կարգով համապատասխան միջոցներ չեն կիրառվել:
- 5) Համայնքի կողմից մատուցվող ծառայությունների դիմաց գանձվող վճարների դրույքաչափերի սահմանման վերաբերյալ որոշման նախագծեր համայնքի ղեկավարը չի ներկայացրել ավագանու հաստատմանը:
- 6) Համայնքի ղեկավարը ստուգված ժամանակաշրջանում ոչ լրիվությամբ է ապահովել համայնքի բյուջեի եկամուտների ամբողջական կատարումը:

Համայնքի վարչական բյուջե հավաքագրված գումարները հիմնականում ծախսվել են աշխատավարձերի, պարտադիր սոցիալական ապահովագրության վճարումների, ծառայությունների և ապրանքների ձեռք բերման, համայնքի սոցիալապես անապահով ընտանիքներին դրամական օգնություն տրամադրելուն, այլ ծախսերի կատարման համար, իսկ ֆոնդային բյուջեով նախատեսված ծախսերը կատարվել են լրիվությամբ:

Գյուղապետարանում չեն պահպանվել «Գնումների մասին» ՀՀ օրենսդրության պահանջները: 2011-2012թթ. ընթացքում ընթացիկ տարվա համար գնումների պլան չի կազմվել և չի հրչապարակվել: Գնումները կատարվել են հաշվի չառնելով օրենսդրության պահանջները:

2013 թվականի համար գնումների պլան հաստատվել է պատվիրատու ղեկավարի կողմից և հրապարակվել է Gnumner.am կայքում, սակայն ըստ օրենսդրության պատվիրատու ղեկավարի կողմից պետք է սահմանվեին գնումների համակարգող, պատասխանատու ստորաբաժանում և գնհատող հանձնաժողով, որը չի կատարվել:

2. Քաղաքաշինության և կոմունալ տնտեսության բնագավառ

1. Հայկասարի համայնքի ղեկավարի կողմից համայնքի գլխավոր հատակագծի ու հողերի գոտիավորման և օգտագործման սխեմաների, գոտիավորման այլ փաստաթղթերի կազմման գործառույթներ չեն իրականացվել:
2. Համայնքի քաղաքաշինական կադաստրի սահմանված կարգով վարման, համայնքի քաղաքաշինական կանոնադրության կազմման և համայնքի ավագանու հաստատմանը ներկայացնելու գործընթաց չի իրականացվել:
3. Համայնքի ղեկավարի կողմից համայնքի բնակչությանը միջավայրի ծրագրվող քաղաքաշինական փոփոխությունների մասին իրազեկման գործառույթ չի իրականացվել, իրականացվել են կառուցապատողներին 1 ճարտարապետահատակագծային առաջադրանքի (ՃՀԱ՝ 08.10.2012թ. N01) տրամադրման և 1 ճարտարապետաշինարարական նախագծի համաձայնեցման գործընթացներ:
Գործընթացներն իրականացվել են ՀՀ օրենսդրության պահանջներին համապատասխան,
4. Համայնքի ղեկավարի կողմից տրվել է 1 շինարարության թույլտվություն՝ (20.03.2013թ. N01) պետական միջոցների հաշվի Հայկասարի համայնքի դպրոցի վերանորոգման համար:
Նշված գործընթացն իրականացվել է ՀՀ օրենսդրության պահանջներին համապատասխան:
5. Ավարտված շինարարության շահագործման փաստագրման ակտ չի ձևակերպվել:
6. Չեն հայտնաբերվել ինքնակամ շինարարության կանխման ու կասեցման դեպքեր հետևաբար, օրենքով սահմանված կարգով դրանց հետևանքների վերացման վերաբերյալ որոշումներ չեն կայացվել:
7. Համայնքի ղեկավարի կողմից շենքերի և շինությունների նպատակային օգտագործման և պահպանման կառուցապատողներին տրված ճարտարապետահատակագծային առաջադրանքի պահանջների կատարման վերաբերյալ որոշումներ չեն կայացվել:
8. Համայնքի ղեկավարի կողմից կատարվել է համայնքային սեփականություն համարվող շենքերի ու շինությունների հաշվառման, սեփականության ամենամյա գույքագրման փաստաթղթերի կազմման աշխատանքներ և ներկայացվել համայնքի ավագանու հաստատմանը:
9. Համայնքի քաղաքաշինական կանոնադրությանը համապատասխան արտաքին գովազդ տեղադրելու թույլտվություն չի տրամադրվել:
10. Համայնքային սեփականություն համարվող ներհամայնքային հաղորդակցության ուղիների, ջրմուղի, կոյուղու, ոռոգման ու ջեռուցման ցանցերի և այլ կառուցվածքների շահագործման կազմակերպման և կառավարման վերաբերյալ գործառույթներ չեն իրականացվել:
11. Համայնքը չունի բազմաբնակարան բնակելի շենքեր: Ուստի, համապատասխան գործառույթներ չեն իրականացվել:

3. Հողօգտագործման բնագավառ

1. Հայկասար գյուղական համայնքը կառավարության սահմանված կարգով կազմված հողերի գոտիավորման և օգտագործման սխեմա չունի ֆինանսական միջոցների բացակայության պատճառով:
2. Հայկասարի համայնքային սեփականություն հանդիսացող գյուղատնտեսական նշանակության հողերը կազմում են ընդամենը 236.53հա, այդ թվում՝ վարելահող-103.92հա, արոտ-123.63հա և այլ հողեր-8.98հա:
Գյուղապետարանում առկա էր համայնքային սեփականություն հանդիսացող գյուղատնտեսական նշանակության հողերի համար կնքված և պետական գրանցման ենթարկված 38 վարձակալության պայմանագրեր, 103.92 հա վարելահողերի համար՝ 1023.040հազ.դրամ վարձավճարով և մեկ պայմանագիր 3.2հա արոտի համար՝ 6400 դրամ վարձավճարով:
Համայնքային սեփականություն հանդիսացող գյուղատնտեսական նշանակության 120.43հա արոտները օրենքով սահմանված կարգով օգտագործման տրամադրված չեն:
Համայնքային սեփականություն հանդիսացող գյուղատնտեսական նշանակության հողերի համար՝
01.03.2010–31.12.2010թթ. ժամանակահատվածում բյուջեով նախատեսված 1200.0հազ. դրամ վարձավճարի դիմաց անհատական անդորրագրերով գանձվել է 1152.9հազ դրամ և նույն գումարը մուտքագրվել է համայնքի հաշվարկային հաշվին,
2011թ. բյուջեով նախատեսված 1250.0հազ. դրամ վարձավճարի դիմաց անհատական անդորրագրերով գանձվել է 1051.5հազ դրամ և նույն գումարը մուտքագրվել է համայնքի հաշվարկային հաշվին,
2012թ. բյուջեով նախատեսված 1223.0հազ. դրամ վարձավճարի դիմաց անհատական անդորրագրերով գանձվել է 1223.0հազ. դրամ գումար և նույն գումարը մուտքագրվել է համայնքի հաշվարկային հաշվին,
01.01.2013-01.09.2013թթ. դրությամբ բյուջեով նախատեսված 685.3հազ. դրամ վարձավճարի դիմաց անհատական անդորրագրերով գանձվել է 451.5հազ դրամ գումար և նույն գումարը մուտքագրվել է համայնքի հաշվարկային հաշվին,
01.07.2010թ.-01.09.2013թթ. ժամանակահատվածում համայնքային և պետական սեփականություն համարվող հողամասերի օտարում չի իրականացվել,
01.01.2013 թվականի դրությամբ վարձավճարի ապառքներ չկան:
3. Հայկասար համայնքի գյուղացիական տնտեսություններում հաշվառված 341 գլուխ խոշոր եղջերավոր անասունների առկայության պայմաններում 120.43հա արոտները ՀՀ օրենսդրությամբ սահմանված կարգով օգտագործման տրամադրված չէ: Համայնքի ղեկավարի կողմից անհրաժեշտ միջոցներ չի ձեռնարկվել ապօրինի հողօգտագործումը կանխելու և արոտի օգտագործումը օրենքով սահմանված կարգով կազմակերպելու ուղղությամբ:
4. 01.03.2010թ.-01.09.2013թթ. ժամանակահատվածում Հայկասար համայնքի ղեկավարի կողմից ապօրինի հողօգտագործման դեպքեր չի արձանագրվել:

5. Օրենքով սահմանված կարգով իրականացվել է համայնքի վարչական սահմաններում գտնվող հողամասերի ընթացիկ հաշվառման և համայնքի հողային հաշվեկշռի կազմման գործընթացը:
6. Պատշաճ վերահսկողություն է իրականացվել համայնքի վարչական տարածքում գտնվող թվով 3 գեոդեզիական կետերի և սահմանանիշերի պահպանության նկատմամբ:

4. Տրանսպորտի բնագավառ

1. Համայնքային ենթակայության ճանապարհների, ճանապարհային երթևեկության կազմակերպման կահավորանքի ու այլ տեխնիկական միջոցների, կամուրջների ու ինժեներական այլ կառույցների պահպանման և շահագործման կազմակերպման գործառույթներ համայնքի ղեկավարի կողմից չեն իրականացվել:
2. Համայնքում հասարակական տրանսպորտի, ինչպես նաև համայնքային ենթակայության տրանսպորտային հիմնարկների ու կազմակերպությունների բացակայությամբ պայմանավորված համայնքի ղեկավարի կողմից այդ ոլորտի գործունեության կազմակերպման և կառավարման ուղղությամբ գործառույթներ չեն իրականացվել:
3. Իրավասու մարմինների կողմից համայնքի տարածքում ճանապարհային երթևեկության նշանների տեղակայման, հանման հաստատման և թույլատրման առաջարկություններ չեն ստացվել և այդ ոլորտում համայնքի ղեկավարի կողմից գործառույթներ չեն իրականացվել:
4. Համայնքի ղեկավարի կողմից ՀՀ կառավարության սահմանած կարգով և ՀՀ ավտոմոբիլային ճանապարհների անվանացանկում ընդգրկված ճանապարհների մաս հանդիսացող տարանցիկ ճանապարհների վերաբերյալ լիազոր մարմնի հետ համաձայնեցնելուց հետո համայնքում ճանապարհային երթևեկության կազմակերպման սխեմա չի կազմվել և համայնքի ավագանու հաստատմանը չի ներկայացվել (համայնքային ենթակայության ճանապարհների մասով) և այդ սխեմային համապատասխան անվտանգ երթևեկության կազմակերպման համար անհրաժեշտ ճանապարհային երթևեկության կազմակերպման կահավորանքի ու այլ տեխնիկական միջոցների տեղադրման վերաբերյալ որոշումներ չեն կայացվել:

7. Այլ բնագավառներ

- 1) Ստուգված ժամանակաշրջանում համայնքի ղեկավարի կողմից հրավիրվել և անցկացվել են համայնքի ավագանու 46 նիստեր, որոնցում քննարկվել են համայնքի խնդիրներին վերաբերվող 73 հարցեր, ընդունվել են նորմատիվ և անհատական բնույթի նույնքան որոշումներ: Այդ թվում՝ 2010 թվականի 10 ամսում անցկացվել է 16 նիստ, ընդունվել է 23 որոշում, 2011 թվականին՝ 16 նիստ, 22 որոշում, 2012 թվականին՝ 15 նիստ, 16 որոշում, իսկ 2013 թվականի 8 ամսում՝ 11 նիստ, 12 որոշում:

Ստուգված ժամանակաշրջանում համայնքի ղեկավարի աշխատակազմում վարվել են համայնքի ավագանու նիստերի արձանագրությունների 2 գրանցամատյան, որոնք սահմանված կարգով համարակազմված, թելակարված և կնքված են համայնքի ղեկավարի կողմից:

Համայնքի ղեկավարը չի ապահովել «Տեղական ինքնակառավարման մասին» ՀՀ օրենքի 11-րդ հոդվածի պահանջը և 17.06.2012թ.-18.09.2012թ. ժամանակահատվածում չի ապահովել ոչ պակաս քան երկու ամիսը մեկ անգամ համայնքի ավագանու նիստերի անցկացումը:

Ավագանու նորընտիր անդամները հանդիսավոր պայմաններում անհատական կարգով երդում չեն տվել և սահմանված կարգով չեն ստորագրել երդման տեքստը:

Համայնքի ղեկավարը թերություններով է կատարել «Տեղական ինքնակառավարման մասին» ՀՀ օրենքի 32-րդ հոդվածի 17-րդ կետով սահմանված համայնքի ղեկավարի պարտադիր լիազորությունները՝ ՀՀ օրենսդրությանը համապատասխան որոշումների ընդունման, արձանագրությունների կազմման և կարգադրությունների արձակման ուղղությամբ: Համայնքի ղեկավարը ոչ միշտ է ապահովել «Տեղական ինքնակառավարման մասին» ՀՀ օրենքի 30-րդ հոդվածի 3-րդ մասի 8-րդ կետի պահանջը և համայնքի ավագանու կողմից 2010, 2011, 2012 թվականներն ընդունված որոշումների մեծ մասը ՀՀ Շիրակի մարզպետարան չի ներկայացրել կամ ներկայացրել է սահմանված 7-օրյա ժամկետից ուշացումով:

Համայնքի ղեկավարի կողմից ոչ միշտ է ապահովվել «Իրավական ակտերի մասին» Հայաստանի Հանրապետության օրենքի 34-րդ հոդվածով սահմանված կարգը և համայնքի ավագանու կողմից ընդունված նորմատիվ բնույթի առանձին իրավական ակտեր պետական իրավական փորձաքննության համար չեն ուղարկվել ՀՀ արդարադատության նախարարություն (համայնքի զարգացման քառամյա ծրագրի հաստատում, համայնքի բյուջեի և նրանում կատարված փոփոխությունների հաստատում, բյուջեի կատարման տարեկան հաշվետվությունների հաստատում, օրենքով սահմանված տեղական տուրքերի և վճարների դրույքաչափերի սահմանում և այլն):

Համայնքի ղեկավարի կողմից համայնքի ավագանու նիստերի ոչ բոլոր օրակարգերի նախագծերն են ձևավորվել նիստից առնվազն տասը օր առաջ: Նիստերի օրակարգերի նախագծերը, դրանցում ընդգրկված հարցերի որոշումների նախագծերը և համապատասխան փաստաթղթերը ոչ միշտ են տրամադրվել համայնքի ավագանու անդամներին նիստն սկսվելուց առնվազն յոթ օր առաջ, իսկ արտահերթ նիստեր հրավիրելու դեպքում նիստից մեկ օր առաջ (հիմք՝ «Տեղական ինքնակառավարման մասին» ՀՀ օրենքի 12-րդ և 15-րդ հոդվածներ):

Աշխատակազմում սահմանված կարգով հաշվառում չի տարվել ավագանու նիստերին ավագանու անդամների մասնակցության վերաբերյալ:

Համայնքի ավագանու, համայնքի ղեկավարի որոշումներին և կարգադրություններին բնութագրական են «Իրավական ակտերի մասին» ՀՀ օրենքով սահմանված օրենսդրական տեխնիկայի կանոնների կիրառման տարբեր խախտումներ: Համայնքի ավագանու և համայնքի ղեկավարի առանձին որոշումներ «Իրավական ակտերի մասին» ՀՀ օրենքի 43 հոդվածի համաձայն չեն պարունակում հղումներ, թե դրանք ՀՀ օրենսդրության որ նորմատիվ իրավական ակտի մասի համաձայն կամ ի կատարումն են ընդունվել, իսկ առանձին որոշումներում կատարված հղումները սխալ են, թերի կամ ոչ հստակ (ավագանու որոշումներ՝ 30.04.2010թ. թիվ 1, 12.05.2010թ. թիվ 1, 18.01.2011թ. թիվ 1, 15.04.2011թ. թիվ 1, 18.01.2012թ. թիվ 1 և այլն, համայնքի ղեկավարի որոշումներ՝ 03.04.2010թ. թիվ 4, 16.05.2011թ. թիվ 2, 17.01.2012թ. թիվ 1, 18.01.2013թ. թիվ 1 և այլն):

Համայնքի ղեկավարի որոշումների մեծ մասը «Իրավական ակտերի մասին» 40-րդ հոդվածով սահմանված կարգով չունեն վերնագրեր (13.04.2010թ. թիվ 5, 16.04.2010թ. թիվ 6, 13.09.2011թ. թիվ 5, 15.12.2011թ. թիվ 8, 11.05.2012թ. թիվ 4, 25.05.2012թ. թիվ 5, 10.05.2013թ. թիվ 10, 13.08.2013թ. թիվ 11 և այլն):

Համայնքի ղեկավարի 17.01.2012թ. թիվ 1 և 18.01.2013թ. թիվ 1 որոշումներով հաստատվել է համայնքի 2012 և 2013 թվականի բյուջեների կատարման եռամսյակային համամասնությունները, սակայն որոշումների նախաբանում կամ բովանդակության մեջ հղումներ չեն կատարվել «Հայաստանի Հանրապետության բյուջետային համակարգի մասին» ՀՀ օրենքի համապատասխան դրույթներին:

«Իրավական ակտերի մասին» ՀՀ օրենքի 38-րդ հոդվածի 2-րդ և 3-րդ մասերի համաձայն համայնքի ավագանու նորմատիվ բնույթի իրավական ակտերի հերթական համարներից հետո «Ն» (նորմատիվ) տառի նշումը բացակայում է (ավագանու որոշումներ՝ 03.05.2010թ. թիվ 1, 10.12.2010թ. թիվ 1, 20.09.2011թ. թիվ 1, 10.10.2011թ. թիվ 1, 19.03.2012թ. թիվ 1, 15.11.2012թ. թիվ 2 և այլն):

Համայնքի ավագանու 2010, 2011 և 2012 թվականներին ընդունված իրավական ակտերի հերթական համարակալումը չի կատարվել «Իրավական ակտերի մասին» ՀՀ օրենքի 38-րդ հոդվածի 2-րդ մասի դրույթներին համապատասխան: Արձանագրությունները և որոշումները մինչև 2013 թվականը համարակալված էին ըստ ավագանու նիստերի արձանագրությունների:

Համայնքի ավագանու մի շարք որոշումներում համապատասխան նշումներ չեն կատարվել ավագանու անդամի որոշման նախագծին կողմ, դեմ և ձեռնպահ քվեարկության արդյունքների մասին (հիմք՝ «Տեղական ինքնակառավարման մասին» ՀՀ օրենքի 14-րդ հոդված):

Համայնքի ղեկավարը չի ապահովել «Տեղական ինքնակառավարման մասին» ՀՀ օրենքի 77⁵-րդ հոդվածի պահանջը և ավագանու քննարկմանը չի ներկայացրել ՀՀ Շիրակի մարզպետարանի կողմից ավագանու որոշումների ՀՀ օրենսդրության անհամապատասխանության վերաբերյալ ներկայացված առարկությունները, իրավական ակտերում չեն կատարվել համապատասխան փոփոխություններ և որոշումները չեն համապատասխանեցվել ՀՀ օրենսդրության պահանջներին:

- 2) Համայնքի ղեկավարը ոչ միշտ է ապահովել «Տեղական ինքնակառավարման մասին» ՀՀ օրենքի 32-րդ հոդվածի 1-ին մասի 1՝ կետի պահանջը և իր կողմից ընդունված ոչ բոլոր անհատական ակտերն է սահմանված ժամկետում ուղարկել համայնքի ավագանու անդամներին և փակցրել համայնքի ավագանու նստավայրում:
- 3) Համայնքի ղեկավարը կազմել է համայնքի 2013-2016թթ զարգացման ծրագիրը, սակայն «Տեղական ինքնակառավարման մասին» ՀՀ օրենքի 32-րդ հոդվածի 1-ին մասի 2-րդ կետով սահմանված կարգով այն համայնքի ավագանու հաստատմանը չի ներկայացրել:
- 4) Գյուղապետարանի աշխատակազմի կանոնադրությունը հաստատվել է համայնքի ղեկավարի 2010 թվականի ապրիլի 3-ի թիվ 4 որոշմամբ: Իսկ բյուջետային հիմնարկների և ոչ առևտրային կազմակերպությունների կանոնադրություններ չեն հաստատվել՝ այդպիսիք չլինելու պատճառով:
- 5) Առանձնացված ստորաբաժանումների և համայնքային ենթակայության բյուջետային հիմնարկների բացակայությամբ պայմանավորված «Տեղական ինքնակառավարման մասին» ՀՀ օրենքի 28-րդ հոդվածով սահմանված կարգով գյուղապետարանի աշխատակազմի կառուցվածքները ռաստատելու վերաբերյալ որոշման նախագծեր ավագանու հաստատմանը չեն ներկայացվել:
- 6) «Տեղական ինքնակառավարման մասին» ՀՀ օրենքի 32-րդ հոդվածի 1-ին մասի 5-րդ կետի համաձայն համայնքի ղեկավարը գյուղապետարանի աշխատակազմի աշխատակիցների 2011,

2012 և 2013 թվականների թվաքանակը, հաստիքացուցակը և պաշտոնային դրույքաչափերը հաստատելու վերաբերյալ որոշման նախագծերը ներկայացրել է համայնքի ավագանու հաստատմանը: Գյուղապետարանի աշխատակազմի աշխատակիցների սահմանված կարգով հաստատված և գործողության մեջ դրված հաստիքացուցակները և պաշտոնային դրույքաչափերը համապատասխանում են ՀՀ օրենսդրության պահանջներին:

- 7) Համայնքի ղեկավարի կողմից համայնքային ենթակայության բյուջետային հիմնարկների և ոչ առևտրային կազմակերպությունների ստեղծման, վերակազմակերպման կամ լուծարման վերաբերյալ որոշման նախագծեր համայնքի ավագանու հաստատմանը չեն ներկայացվել:
- 8) Համայնքում համայնքային ենթակայության առևտրային կազմակերպությունների բացակայությամբ պայմանավորված համայնքի ղեկավարի կողմից դրանց խորհրդների և վերստուգիչ մարմինների կազմերի վերաբերյալ որոշման նախագծեր համայնքի ավագանու հաստատմանը չեն ներկայացվել:
- 9) ՀՀ օրենսդրությամբ սահմանված կարգով համայնքի ղեկավարի տեղակալի և գյուղապետարանի աշխատակազմի քարտուղարի նշանակում ու ազատում չի կատարվել:
- 10) Համայնքում բյուջետային հիմնարկների բացակայությամբ պայմանավորված, համայնքի ղեկավարի կողմից այդ հիմնարկների ղեկավարների պաշտոններում նշանակում կատարելու վերաբերյալ համայնքի ավագանուն առաջարկություն չի ներկայացվել:
- 11) Համայնքի ղեկավարի կողմից տեղական հանրաքվե նշանակելու մասին որոշման նախագծեր համայնքի ավագանու հաստատմանը չեն ներկայացվել:
- 12) Ստուգված ժամանակաշրջանում համայնքի ղեկավարի կողմից Հայաստանի Հանրապետության կամ այլ պետությունների համայնքների հետ համագործակցության մասին պայմանագրեր չեն կնքվել և միջհամայնքային միավորում ստեղծելու, ինչպես նաև համայնքների հիմնադրած միություններին անդամակցելու և դրանց անդամավճարները մուծելու մասին որոշման նախագծեր ավագանու հաստատմանը չեն ներկայացվել:
- 13) Ստուգված ժամանակաշրջանում համայնքի սեփականություն համարվող գույք չի օտարվել:
- 14) Ստուգված ժամանակաշրջանում համայնքի ղեկավարի կողմից Հայաստանի Հանրապետության և օտարերկրյա քաղաքացիներին համայնքի պատվավոր քաղաքացու կոչում շնորհելու վերաբերյալ համայնքի ավագանուն առաջարկություն չի ներկայացվել:
- 15) Ստուգված ժամանակաշրջանում համայնքի ղեկավարի կողմից համայնքի փողոցների, հրապարակների, զբոսայգիների, համայնքային ենթակայության կրթական, մշակութային և այլ հիմնարկների անվանման կամ վերանվանման վերաբերյալ համայնքի ավագանուն առաջարկություններ չեն ներկայացվել:
- 16) Ստուգված ժամանակաշրջանում համայնքի ղեկավարի կողմից անշարժ գույքի հասցեավորման վերաբերյալ ընդունվել է 4 որոշում (05.03.2013թ. թիվ թիվ 2-Ա, 3-Ա, 4-Ա և 12.05.2013թ. թիվ 6-Ա):
- 17) Ստուգված ժամանակաշրջանում համայնքի ղեկավարի կողմից ընդունվել է 48 որոշում և արձակվել 11 կարգադրություն, որոնք արձանագրված են համապատասխան գրանցամատյաններում: Համայնքի ղեկավարի կարգադրությունների գրանցամատյանը սահմանված կարգով թելակարված և կնքված է, սակայն համարակալված չէ: Իսկ համայնքի ղեկավարի որոշումների գրանցամատյանը կնքված, համարակալված և թելակարված չէ:

18) Որպես պետության պատվիրակած լիազորություն համայնքի ղեկավարի կողմից կազմակերպվել և ղեկավարվել է համայնքում անասնաբուժական ծառայությունը: Համայնքի ղեկավարի կողմից անհրաժեշտ միջոցներ են ձեռնարկվել համայնքի տարածքում անասնաբուժական ծառայության, հակահամաճարակային միջոցառումների, կենդանիների հիվանդությունների կանխման և ագրարային այլ կանոնների պահպանման աշխատանքների կազմակերպման ուղղությամբ: Ստուգված ժամանակաշրջանում համայնքում անասունների հիվանդությունների բռնկման դեպքեր չեն արձանագրվել:

20) Համայնքի ղեկավարի կողմից համայնքի քաղաքաշինական, բնապահպանական, գյուղատնտեսական և այլ կադաստրների վարման աշխատանքներ չեն իրականացվել:

21) Համայնքի ղեկավարի կողմից անհրաժեշտ միջոցներ են ձեռնարկվել քաղաքացիական պաշտպանության, հակահամաճարակային և կարանտինային միջոցառումների, ինչպես նաև տեխնոլոգիական և տարերային աղետների վտանգների նվազեցման ու հետևանքների վերացման հետ կապված աշխատանքների կազմակերպման ուղղությամբ:

Համայնքի ղեկավարի 14.06.2011թ. թիվ 3 որոշմամբ համայնքում ստեղծվել են քաղաքացիական պաշտպանության շտաբ, տարհանման հանձնաժողով և քաղաքացիական պաշտպանության կազմավորումներ:

22) Գյուղապետարանում սահմանված կարգով վարվում է համայնքային գիրք (ծխամատյան) և կազմակերպվում է համայնքի բնակիչների հաշվառումը:

23) Համայնքի ղեկավարի կողմից համայնքի շահերն այլ անձանց հետ փոխհարաբերություններում, ինչպես նաև դատարանում ներկայացնելու դեպքեր չեն արձանագրվել:

24) Համայնքի ղեկավարի և ավագանու անդամների կողմից կատարվում են քաղաքացիների ընդունելություններ, օրենքով սահմանված կարգով քննության են առնվում քաղաքացիների առաջարկությունները, դիմումներն ու բողոքները և ձեռնարկվում են անհրաժեշտ միջոցներ:

25) Համայնքում օրենքով սահմանված կարգով ստեղծվել և գործում է խնամակալության և հոգաբարձության հանձնաժողով: (Համայնքի ավագանու 28.06.2011թ. թիվ 1 (արձ. թիվ 6) որոշում):

Համայնքի ղեկավարի 2012 թվականի հոկտեմբերի 1-ի թիվ 9 որոշմամբ Հայկասարի համայնքի բնակիչ Մարինե Ֆրունզեի Մկրտչյանը նշանակվել է եղբոր՝ Մեսրոպ Մկրտչյանի խնամակալ:

26) Գյուղապետարանում օրենքով սահմանված կարգով վարվում է համայնքի զինապարտների գրանցամատյան, նրանց վերաբերյալ ցուցակները, ինչպես նաև համայնքի բնակության վայրի հաշվառումից հանվելու, աշխատանքի ընդունվելու և աշխատանքից ազատվելու վերաբերյալ տվյալները ներկայացվել են տարածքային զինվորական կոմիսարիատ: Ստուգված ժամանակաշրջանում համայնքի զինապարտ քաղաքացիների կողմից իրենց պարտականությունները խախտելու դեպքեր չեն արձանագրվել:

ԿԱԴՐԱՅԻՆ ԳՈՐԾԻ ՎԱՐՈՒՄ

1. Գյուղապետարանի աշխատակազմի կանոնադրությունը «Տեղական ինքնակառավարման մասին» ՀՀ օրենքի 16-րդ հոդվածի 1-ին մաս 20-րդ կետի համաձայն չի հաստատվել համայնքի ավագանու կողմից:
2. ՀՀ կառավարության սահմանված կարգով աշխատակազմում վարվում են համայնքի ղեկավարի, համայնքի ավագանու և աշխատակազմի քարտուղարի իրավական ակտերի գրանցամատյաններ:








Ստուգված ժամանակաշրջանում համայնքի ղեկավարի կողմից ընդունվել է 48 որոշում և արձակվել 11 կարգադրություն, իսկ աշխատակազմի քարտուղարի կողմից արձակվել է 30 հրաման, որոնք սահմանված կարգով արձանագրվել են համապատասխան գրանցամատյաններում:

Աշխատակազմում վարվող իրավական ակտերի ոչ բոլոր գրանցամատյաններն են սահմանված կարգով համարակալված, թելակարված և կնքված համայնքի ղեկավարի կողմից: Համայնքի ղեկավարի որոշումների գրանցամատյանը սահմանված կարգով կնքված, համարակալված և թելակարված չէ, իսկ համայնքի ղեկավարի կարգադրությունների գրանցամատյանը համարակալված չէ:
3. Աշխատակազմում համայնքի ավագանու կողմից ընդունված իրավական ակտերի հաշվառման մատյանը վարվել է 2011 թվականի հունվարի 18-ից: Ուսումնասիրության ենթարկված համայնքի ավագանու 2011 թվականի հունվարի 18-ից հետո ընդունված թվով 40 իրավական ակտերից սահմանված կարգով արձանագրությունների մատյանում հաշվառվել են 34-ը, իսկ թվով 6 իրավական ակտեր չեն հաշվառվել (ավագանու որոշումներ 19.03.2013թ. թիվ 4, 25.03.2013թ. թիվ 5, 30.04.2013թ. թիվ 6 և այլն): Հաշվառման մատյանում պահանջվող առանձին տեղեկություններ (իրավական ակտի տեսակը, իրավական ակտը փորձաքննության ուղարկելու տարի՞ն, ամիսը, ամսաթիվը, իրավական ակտի մասին պետական փորձաքննության եզրակացություն տալու տարի՞ն, ամիսը, ամսաթիվը և այլն) չեն լրացվել կամ լրացվել են թերի:
4. Աշխատակազմում առանձնացված ստորաբաժանում (բաժին) չլինելու պատճառով, ստուգված ժամանակաշրջանում գյուղապետարանի կառուցվածքը հաստատելու վերաբերյալ որոշումներ չեն կայացվել:
5. ՀՀ տարածքային կառավարման նախարարի 2006 թվականի նոյեմբերի 29-ի N 55-Ա հրամանով հաստատված Հայկասարի գյուղապետարանի աշխատակազմի համայնքային ծառայության պաշտոնները 3-ն են՝ գյուղապետարանի աշխատակազմի քարտուղար (ծածկագիր՝ 1.2-1), առաջին կարգի մասնագետ (ծածկագիր՝ 3.2-1) և երկրորդ կարգի մասնագետ (ծածկագիր՝ 3.3-1): Նշված 3 համայնքային ծառայության պաշտոնները օրենքով սահմանված կարգով զբաղեցված են: Համայնքի ավագանու համապատասխան որոշումներով 2011, 2012 և 2013 թվականների համար հաստատված գյուղապետարանի աշխատակազմի համայնքային ծառայության պաշտոնների անվանումները համապատասխանում են ՀՀ տարածքային կառավարման նախարարի 2006 թվականի նոյեմբերի 29-ի N 55-Ա հրամանով հաստատված Հայկասարի գյուղապետարանի աշխատակազմի համայնքային ծառայության պաշտոնների անվանացանկում նշված անվանումներին: Համայնքային ծառայողների մասով 2011-2013

թվականների համար հաստատված պաշտոնային դրույքաչափերը համապատասխանում են «Համայնքային ծառայության մասին» ՀՀ օրենքի 27-րդ հոդվածի և «Նվազագույն աշխատավարձի մասին» ՀՀ օրենքի պահանջներին:

6. Գյուղապետարանի աշխատակազմի քարտուղարի պաշտոնի նոր անձնագրերը հաստատվել է համայնքի ղեկավարի 2013 թվականի մարտի 14-ի թիվ 8-Ա որոշմամբ, իսկ գյուղապետարանի աշխատակազմի առաջին կարգի մասնագետի և երկրորդ կարգի մասնագետի պաշտոնների անձնագրերը հաստատվել են համայնքի ղեկավարի 2012 թվականի հունիսի 25-ի թիվ 7 որոշմամբ: Ստուգված ժամանակաշրջանում համայնքային ծառայության պաշտոնների անվանացանկից պաշտոններ չեն հանվել և նոր պաշտոններ չեն ավելացվել: Համայնքի ղեկավարի կողմից հաստատված պաշտոնների վերջին անձնագրերի բովանդակությունը համապատասխանում է Հայաստանի Հանրապետության գործող օրենսդրության պահանջներին:
7. Համայնքային ծառայողների անձնական գործերի վարումը հիմնականում կատարվել են ՀՀ տարածքային կառավարման նախարարի 2006 թվականի նոյեմբերի 7-ի թիվ 20-Ն հրամանով հաստատված «Համայնքային ծառայողների անձնական գործերը վարելու կարգին» համապատասխան:
8. Համայնքի ավագանու 2012 թվականի նոյեմբերի 2-ի թիվ 7 որոշմամբ հաստատվել է համայնքային ծառայության մրցութային և ատեստավորման հանձնաժողովների կազմում ընդգրկվող ավագանու անդամների քանակական և անհատական կազմերը: ՀՀ տարածքային կառավարման նախարարի կողմից սահմանված կարգի համաձայն համայնքի ղեկավարի 2013 թվականի մարտի 20-ի թիվ 9 որոշմամբ հաստատվել է համայնքային ծառայության մրցութային և ատեստավորման հանձնաժողովների անհատական նոր կազմերը:
9. Հայաստանի Հանրապետության տարածքային կառավարման նախարարի 2006 թվականի օգոստոսի 29-ի թիվ 12-Ն հրամանով հաստատված համայնքային ծառայության մրցութային և ատեստավորման հանձնաժողովների օրինակելի աշխատակարգերի հիման վրա համայնքի ղեկավարի 2012 թվականի նոյեմբերի 5-ի թիվ 13 որոշմամբ հաստատվել է համայնքային ծառայության մրցութային և ատեստավորման հանձնաժողովների աշխատակարգերը:
10. ՀՀ տարածքային կառավարման նախարարի կողմից հաստատված համայնքների ղեկավարների աշխատակազմերի աշխատանքային կարգապահական ներքին օրինակելի կանոնակարգի հիման վրա համայնքի ղեկավարի 2012 թվականի նոյեմբերի 5-ի թիվ 15 որոշմամբ հաստատվել է աշխատակազմի աշխատանքային կարգապահական ներքին կանոնակարգը և ապահովվել է դրա պատշաճ իրազեկումը աշխատակազմի աշխատակիցներին:
11. Աշխատակազմում սահմանված կարգով չեն վարվում «Համայնքային ծառայության թափուր տեղերի համար անցկացվող մրցույթներին դիմած քաղաքացիների տվյալների գրառման», «Համայնքային ծառայողների վերապատրաստման հաշվառման» և «Համայնքային ծառայողների անձնական գործերի հաշվառման» համարակալված մատյաններ:
12. Ուսումնասիրությամբ պարզվել է, որ մրցույթի արդյունքներով համայնքային ծառայության պաշտոնների նշանակված անձանց կրթության, համապատասխան ստաժի և այլ տվյալները

- համապատասխանում են համայնքային ծառայության մասին Հայաստանի Հանրապետության օրենսդրության և տվյալ պաշտոնի անձնագրի պահանջներին:
13. Ուսումնասիրությամբ պարզվել է, որ համայնքի ղեկավարի կողմից ՀՀ Շիրակի մարզպետարան ներկայացված գրանցամատյանային (Ձև NN 1, 2) տվյալները արժանահավատ են:
 14. Հայկասարի համայնքում համայնքային ծառայության թափուր պաշտոններն զբաղեցնելու համար մրցույթներն ու ատեստավորումներն անցկացվել և փաստաթղթերի փաթեթները կազմվել են ՀՀ տարածքային կառավարման նախարարի 2006 թվականի օգոստոսի 29-ի թիվ 13-Ն և 2006 թվականի սեպտեմբերի 11-ի թիվ 15-Ն հրամաններով հաստատված համայնքային ծառայության թափուր պաշտոն զբաղեցնելու համար մրցույթ անցկացնելու և համայնքային ծառայողի ատեստավորման կարգերին համապատասխան:
 15. Գյուղապետարանում սահմանված կարգով վարվում է գինապարտ քաղաքացիների հաշվառման գրանցամատյան:
 16. Ստուգված ժամանակաշրջանում Հայաստանի Հանրապետության տարածքային կառավարման նախարարության աշխատակազմի կողմից Հայկասարի համայնքում կադրային գործի վարման գործընթացների ուսումնասիրություններ չեն անցկացվել և թերություններ չեն արձանագրվել:

	ԴԱՆԻԵԼ ՎԱՐԴԱՆՅԱՆ
	ԱՐՏԱՎԱԶԴ ԳԵՎՈՐԳՅԱՆ
	ՀՈՒՐԻԿ ՄԱՐՏԻՐՈՍՅԱՆ
	ԳԱԳԻԿ ՀԱՐՈՒԹՅՈՒՆՅԱՆ
	ԱՐՏՅՈՍ ՍԱՐԳՍՅԱՆ
	ՎԱՆԻԿ ՍԵՐՈԲՅԱՆ
	ՀՐԱԶ ԲԱՐՍԵՂՅԱՆ